

ancöi l'è primavera...

co 'l cör spinzà da l'àrfi
a sentir la voze tò
recòrdi de sintéri
su 'l vènt ensèma, erti

pò rogie su le galte
che enrugioliš al sol
pitura sui recòrdi
de 'ncöi, pensier selvadec'

bolìfe, sal che 'mpìza
levade al ciel dal mànteš
dai serci ancor broènti
sul fòc che mai no zéde

pò sùbit primavéra
profumo 'n de i colori
canzon postade al réfol
che 'l vis'cia dolc' le galte

sfrizoni dent, 'mpiantadi
'n de l'anima, ligéri
crodadi giò da 'n ala
solévi, piume mòrbie

l' è paze a 'n sgól cilènc'
che mai polsava cèt
e ancöi te gato chi
compagn de 'n viac' lontan

co 'l tò sorriso s'cèt
contarme sogni növi

Giuliano

ancöi l'è primavera...

Per Lorenzo, una persona cara... ritrovata oggi

Questo/a opera è pubblicata con una Licenza Creative Commons

